

東華續錄

嘉慶二十七年

臣王先謙敬編

臣周潤綸恭校

嘉慶十四年己巳春正月辛酉朔 上以五旬萬壽頒詔天下覃恩有差○封儀親王永璇子貝子縣志成親王永瑒孫貝子奕綸爲貝勒○封科爾沁貝子鄂勒哲依圖爲貝勒○加慶桂黃誥太子太師戴衢亨太子少師鄒炳泰王懿修明亮太子少保○癸亥西安將軍德楞泰有疾晉封三等公命其子蘇冲阿馳往省視○乙丑諭軍機大臣等本日據吳璥托津會同鐵保等奏籌議南河經費一摺據稱查鹽斤一項乃民間日用所必需而每口日食不過三錢請於見行鹽價每斤酌加三釐統計兩淮長蘆山東河東兩浙兩廣福建陝西甘肅九處約計每年共可得銀四百餘萬兩

似與民生無損而經費少充實於要工有裨等語河防關繫漕運民生時虞宵旰遇有應辦各工原不惜多費帑金爲一勞永逸之計惟是近年以來河患頻仍如海口運口及高堰隄壩等處要工層見疊出需用浩繁國家經費有常豈能盡供工用勢不得不設法調劑茲據吳璥等奏請酌加鹽價以備工需朕思鹽斤一項雖出之於民而與加賦少異似於閭閻生計不至大礙但各省情形亦有不同自灘一槩而論卽如兩淮地方濱臨河岸小民無不藉資保衛則將官鹽量爲加增諒所樂從其兩浙山東與江境毗連且每年漕運亦所必經諄難漠視他如長蘆河東以及閩粵陝甘等省相距較遠於河防利害實無關涉若槩令按照加價徵課事理殊覺未協著各該督撫鹽政體察情形如以爲事尙可行不必拘定吳璥等酌加三釐之數或就原額量增一二釐准其暫行售

實儼實有礙難辦理之處亦不妨據實奏聞惟當悉心籌議俟奏到時再降諭旨○諭伯麟奏接到緬甸四大萬頭目來文飭令永昌鎮府駁回緣由一摺所辦甚是邊徼地方設有定界斷無天朝外夷均相管轄之理該督以該大萬此次稟帖所開九龍江地方原是天朝與該國所管之地實不成話仍與白布蘇漢字稟帖相同且既稱九龍江又稱簡雍紀顯係藉詞影射該督已代該鎮府等擬作照會並以該大萬稟內既稱不敢將前次照會稟知該國王則該大萬此次僭越冒稟在天朝鎮府等亦不敢轉稟督撫爲詞加之駁飭並將九龍江土司所轄十三板納地方俱是內地所管歷年土司出缺俱由內地揀選承襲等詞明白宣示措詞俱爲得體此項照會見由該鎮府行知該大萬如該頭目接到照會後遵照所發情節謹守舊規即可相安無事儼或再有僭越冒稟情

事該督應卽據實具奏○丁卯兩廣總督承保卒贈內大臣賞銀

一千兩治喪予祭葬諡恪敏○以百齡爲兩廣總督調吉綸爲山

東巡撫以先福爲江西巡撫調衡齡爲廣東布政使以袁秉直爲

江西布政使調曾煥爲湖北按察使以傅鼐爲湖南按察使

由元

靖道

○庚午諭軍機大臣等阿林保等覆奏查明泉州糧價較貴

緣由摺內據稱漳泉地方向賴臺米接濟近年洋匪未靖臺灣商販較少泉州米價稍昂委無通盜濟匪情事見在蔡朱二逆常到淡水一帶劫掠商船該逆初得一船卽用之不盡往往放回勒贖其無須內地米糧已可槩見等語杜絕接濟一事食米最爲要務阿林保等旣知盜船食米不全資內地偷運止須將臺灣商販初掠一船卽可用之不盡並借此勒贖是盜匪接濟之源實在乎此該督撫等頻年查辦海口接濟於臺灣販米從未加意籌及何以

杜絕萌芽使之淨盡無怪蔡朱二逆之殘喘尙存也前已降旨令該督撫將臺灣商販米船應如何妥爲防護隨時稽察之處酌立章程奏聞務卽妥辦以清盜源又另片奏查効蛤仔欄地勢番情另行酌辦一節蛤仔欄北境居民見已聚至六萬餘人且於盜匪窺伺之時協力備禦幫同殺賊實爲深明大義自應收入版圖豈可置之化外況其地膏腴素爲賊匪覬覦若不官爲經理妥協防守設竟爲賊匪占踞豈不成其巢穴更爲臺灣添肘腋之患乎著該督撫熟籌定議應如何設官經理或用文職或駐武營隨宜斟酌期於經久盡善爲要再梁上國摺內敘及蔡逆賊船進至蘇澳港之時先已率衆上岸有該處番人與閩居民吳氏擒獲數賊始驚潰而去嗣朱逆復又竄往亦經居民與官兵夾攻賊等語該處居民見官兵勦賊卽知如此出力著卽詳查加之獎賞若係著

名職目多人應卽奏明酌賞頂帶以示鼓勵○壬申諭吉綸等奏
查明嘉慶十一年廣興來東審案經知府張鵬昇金湘聯銜向前
任藩司邱庭瀝於庫存節省項下借領銀四萬九千九百餘兩以
備供應等語奉差大員應得夫馬廩給俱有定例何至濫行供應
需數萬兩之多今廣興赴東審案已革知府張鵬昇金湘因需費
繁多輒聯銜稟明藩司邱庭瀝借領庫項並不慮其駁斥邱庭瀝
亦竟聽屬員之言如數支發殊出情理之外藩司經理錢糧絲毫
皆關國帑卽因公那移向干例禁況不過供給所需竟敢擅發庫
項以資贖舖公館食用希圖見好於欽差實爲外省惡習且藉此
爲名浮冒多銷從中侵蝕未必果係辦差之用似此相牽效尤非
虧短庫項卽攤派閭閻弊竇叢生何所不至此而不加以懲治何
以杜逢迎而飭法紀朕又豈能因此停派欽差審案一任民間冤

抑不爲申理乎所有此案溢支庫項之前任山東布政使邱庭鑑著革職拏問交大學士等會同刑部提同另案問以杖徒在部待質之張鵬昇金湘嚴番加等定擬具奏爲天下直省止知逢迎罔顧名義無恥小人之戒至前任高唐州孫良炳前署滕縣之禹城縣董鵬翱雖遭廣興呵斥並不遵攤差費忿激告病殊屬可嘉伊二人於病痊後著該撫給咨送部引見候朕降旨○諭前因召見周廷棟詢以廣興奉差東省有無貪婪劣蹟周廷棟力言其無向以廣興才具明敏枝梧掩飾曾降旨給以五品頂帶休致茲據山東查明覆奏廣興審辦李瀚一案即得銀至數萬兩之多周廷棟同赴山東於廣興得受贓款竟毫無見聞該省供應廣興極其繁華周廷棟照常豫備伊即不加挑斥甯不疑及廣興之任性作威爲婪索地步且於朕詢問時猶以廣興尙屬敢言廣興盜弄威福



恣其慾壑奇貪奇酷品行卑污獲罪在此朕豈因廣興敢言加之
罪戾乎是其庸懦無能奏對又復顛倒失實本應發往新疆姑念
其年已衰邁免其遠戍但周廷棟如此孤恩亦何顏再膺重服之
榮周廷棟著革去五品頂帶永不敘用○諱清安奏奏密查廣興
從前赴豫審案婪索款蹟一摺據奏廣興初次赴豫除公送盤費
銀二千兩外實不聞另有餽送第二次赴豫據巴哈布供該省司
道以前送盤費二千兩向不滿意當卽另湊銀一萬兩交巴哈布
寄送三次赴豫因藩司齊布森向臬司諸以謙道員呂昌曾談及
上次曾有司道公送廣興程儀一萬兩之事此次止好照前辦理
隨與臬司諸以謙道員呂昌曾知府阿勒景阿湊銀一萬兩仍交
巴哈布轉寄前據稱兩次進撫馬慧裕均送盤費銀五百兩等
語廣興任性作威肆意婪索前在山東審辦李臨控案恐嚇取財

數至累萬茲據清安泰查明伊二次三次赴豫又得受程儀二萬兩經朕親加廷訊業據供認屬實除已降旨將廣興正法外所有致送程儀之馬懸裕齊布森諸以謙呂昌會阿勒景阿均著交部嚴加議處巴哈布前因爲廣興豫備公館已照部議降三級調用今又查出兩次寄送銀二萬兩著再交部嚴加議處又諭廣興前在東豫兩省審辦控案任意威嚇婪索贓銀數至累萬經朕親加廷訊已降旨將廣興處絞廣興種種藐法營私伊雖已身罹重典尚書罪浮於法廣興之子蘊秀見係通政司學習經歷並著革職發往吉林充當苦差以示懲戒○癸酉諭廣興奉差豫東二省擅作威福贓私疊疊具勢縱薰灼幾於人人切齒而在廷大臣及言官等復無一人彈劾若云實無見聞其誰欺乎上年廣興緣事革職後經降旨令山東河南密行查訪始俱一一敗露設早有人



爾其小懲大誡何至狼藉如此之甚朕召見臣工從無虛日何嘗
於爾其獨加信任乃諸臣等並不據實劾奏惟相與隱忍待其驗
惡自斃豈公忠體國之道乎今廣興業經伏法其平日緘默不言
之臣工等本應一併交部議處姑念人數過多免其深究仍俱嚴
行申飭至科道職司言路其籍隸本省者見聞尤確廣興如此敗
檢贓贓與周延棟在東省審案竟有周全天下事廣聚世間財之
謠該省科道焉有不知之理乃前無白簡從事者謂非心存觀望
而何近日科道風氣惟知毛舉細事或更改成例以博建白之名
實則欲藉此見長于進或竟受人屬託邀譽沽名皆難逃朕洞鑒
伊等於無聞緊要之事動輒瑣屑陳奏遇此等大奸大惡轉相率
容隱國家又安用此臺諫爲耶所有自嘉慶十一年以後籍隸山
東之科道均著交部議處以示懲儆○丙子諭軍機大臣等昨經

降旨將邱庭澂革職等因。交大學士刑部嚴訊。本日據奏訊問邱庭澂供稱：欽差到濟甯時，張鵬昇等稟請暫借各府州縣養廉以備支應。邱庭澂因關繫庫項曾經具稟，長齡長齡當下將稟帖交還。旋於是晚差家人告知藩司，令其暫行借領。邱庭澂隨借給銀四萬九千餘兩。伊任內尚未歸款完結。並據張鵬昇金相同洪伊等會同支借，查庫墊辦。供應回明巡撫等語。實出情理之外。庫項關繫國帑絲毫不容挪移。如果藩司違例借支，巡撫尙當加之參劾。豈有藩司徑舉巡撫巡撫遂准藩司將庫項借支屬員俾資供應，欽差之理。曷興貪婪不法恣意橫行固陋可恨。而外省一味以供應欽差爲名，擅動庫項，上下一氣扶同，弊混該省吏治。又豈可問究竟伊等平日辦理地方公事有何弊竇。慮其指摘而爲此逢迎消弭之舉。此而不嚴行懲辦，法紀安在。見在和甯已卸烏嚙木。

齊都統之任將屆回京著伊於接奉諭旨後卽速馳驛前往蘭州署理陝甘督篆一面傳旨將長齡革職鞫問嚴行審訊具奏如果長齡供認屬實並無狡賴卽定擬發往伊犁由驛具奏將長齡監禁候旨如長齡堅不承認覓與邱庭瀛等供詞互異卽一面具奏一面派員將長齡押送來京與邱庭瀛寺對質另候覈辦○丁丑追封故貝子^孫懿爲貝勒命輔國公載錫帶領侍衛十員往奠茶酒○戊寅諭軍機大臣等本日召見賽冲阿訊及洋面情形據稱閩省漳泉二郡向不產米全仰給於臺灣從前商販流通食貨瞻足皆緣商船高大梁頭有高丈數尺者又准配帶噸位器械開遇盜船克資抵禦近年洋匪不靖恐其牽劫商船梁頭不准過高又恐礮械出洋有接濟盜匪之事不准攜帶商船畏懼盜匪無不裹足聞有出洋之船多被盜匪擄切米石既資盜糧船隻亦爲盜有

兼有勒贖情事是以商販不通漳泉米貴之由在此刻下蔡逆實已窮蹙可否仍准用高大梁頭並配帶火藥器械則遇盜足資抵禦等語盜船接濟之源最重食米其搶掠食米既專注臺灣商販之船則商販往來首當防範該督撫不此之慮而止向內地口岸設法稽查辦理尚非扼要上年冬間因御史條奏曾經降旨交該督撫等妥議辦理近因該督撫奏泉州米貴緣由復經降旨詢及此時不可不熟籌良策迅速施行朕思兵船在洋勦賊東追西逐總未能肅清洋面迨經嚴飭跟追窮其所向又往往以海洋遼闊不能遇賊爲詞揆厥緣由或係盜船畏懼兵威望而卻走亦或竟因兵船無可劫掠故盜船不復駛近而兵船亦遂無可致力此時商船既因船小無備每爲賊所吞噬若照賽沖阿所議遽令改易大船多帶火藥器械又慮賊匪牽劫所獲滋多而商船出洋之後

無可稽查更難保無不肖奸徒陰爲接濟此時欲求其有利無弊莫若酌派兵船與之同行在商船資兵力衛護可以無慮盜劫而亦不至啟奸商濟盜之端在兵船既可衛護客販杜絕接濟設遇盜匪肆劫前來更可藉以攻勦向來兵船商船各有旗號盜匪可以瞭望而知不如將所用旗號渾爲一色勿示區別則盜船駛近之時可以立整兵威乘機往勦不但大獲勝仗並可翦縛渠魁卽爲勦捕起見亦計無逾此且商販流通漳泉一帶得免食貴而盜船無由接濟盜萌卽可從此杜絕此爲正本清源之道但須妥議周詳行之不至窒礙豫除一切弊端方爲盡善著卽將如何辦理緣由詳議速奏○庚辰諭朕恭閱 聖祖仁皇帝實錄內載前明宮內每年用度金花銀九十餘萬兩光祿寺每年送內所用各項錢糧二十四萬餘兩每年柴炭等項又不下數萬兩維時康熙年

開宮中用度已大加刪減較前明宮用尚不及十分之一我皇
考高宗純皇帝臨御六十年恪守前規益加儉約比較康熙年
開宮用更爲減省朕紹膺丕緒家法祇承屏斥浮靡躬行節儉
一切宮中支用均照乾隆年間舊例遵行罔敢稍逾誠以一人恭
己百爾承風惟恐稍涉紛華易滋煩費若臣工等果能仰體朕意
共勵廉隅亦何至有簠簋不飭之事卽如廣興前赴東豫二省審
辦控案貪黷款蹟種種旋即逮問伏法皆由伊不自檢束狎玩優
伶任意花消勢必須婪索多贓供其揮霍殊不知一經敗露惠典
雖寬脂膏轉不能以自潤此縱欲敗度者之所以自貽伊戚也且
廣興奉差審案原令其詳覈獄情訪查弊竇乃該省地方官輒以
供應餽遺希圖見好伊等平日辦理地方公事若果無可指摘又
何必爲此逢迎消弭之舉此明係屬吏長官扶同一氣稔知廣興

素性貪鄙又喜多言遂爾措捐養廉竭力彌縫飽其慾壑罔知節省該員等所得廉俸原以贍其身家潔其操守今既須浮濫支應自必所費不敷擅那庫項卽事後歸還而以有定之俸廉供無窮之糜費勢不能不派累閭閻多方朘削迨至劣款發覺與受俱有應得之罪揆厥所由總總諸物不加撙節之故嗣後內外大小臣工惟應交相勸勉儉以養廉無蹈浮靡覆轍以副朕整飭官方至意○諭吳璫托津奏遵旨將荷花塘工程辦理不善之錢濬李亨特審明定擬具奏一摺此次荷花塘築隄處所因河底稀淤甚深壩基未能穩固合後復開不特糜帑需時而下游田廬民舍所損實多錢濬以微末汎弁妄行倡議咎無可恕著照所請發往伊犁充當苦差李亨特承辦緊要工程輒照錢濬所効力爲愆憑那彥成本不諳河務輕信其言致壩基不能堅實已合復開李亨特本

應發往伊犁姑念伊亦係誣聽人言急欲蔽事尚非有心貽誤著
加恩改發熱河效力贖罪○辛巳諭吏部奏嚴議馬慧裕等餽送
廣興盤費銀兩請分別降革一摺欽差查辦事件原應係已奉公
屏除餽遺即使有一二交好解囊相贈向應遠嫌辭卻乃廣興任
意苞苴其初次赴豫時轉以公送盤費銀二千兩未遂所欲復於
二次三次需索銀共二萬兩交巴哈布寄京在廣興貪黷無厭固
屬罪不容誅而該省司道等因廣興初次赴豫未爲滿意輒兩次
攤湊銀兩餽送數至二萬兩之多竟若援以爲例自由該司道等
平日辦理地方公事多有弊竇恐被廣興指摘爲此逢迎消弭之
舉實屬卑鄙不職齊布森諸以謙呂昌曾阿勒景阿巴哈布均著
照部議革職至馬慧裕兩次餽送廣興盤費銀一千兩已屬不合
又失察所屬司道湊送銀兩亦難辭咎姑念伊所送銀兩係自出